

**Danmarkimi kalaallit ilinniartut atugassaannik kollegie-nik sanaartornissaq
siunertaralugu Naalakkersuisut suliassamik aallartitseqqullugit peqquneqarnissaannik
Inatsisartut aalajangiiffigisassaattut siunnersuut
(Saqq.: Siumup Atassutillu Inatsisartunut ilaasortai)**

pillugu

Sanaartornermut ataatsimiititaliap

ISUMALIUTISSIISSUTAA.

Siunnersuutip aappassaaneerneqarneranut tunniunneqartoq.

Suliarineqarnerani Ataatsimiititaliap ukuninnga inuttaqarpoq:

Inatsisartunut ilaasortaq Karl-Kristian Kruse, Siumut, siulittaasoq
Inatsisartunut ilaasortaq Anders Olsen, Siumut, siulittaasup tullia
Inatsisartunut ilaasortaq Nikolaj Jeremiassen, Siumut
Inatsisartunut ilaasortaq Aqqaluaq B. Egede, Inuit Ataqtigiit
Inatsisartunut ilaasortaq Kalistat Lund, Inuit Ataqtigiit

UPA 2014-imi ull. 13. maj siullermeereernerani siunnersuut Ataatsimiititaliap misissorpaa.

Siunnersuutip imaa aamma siunertaa

Aalajangiiffigisassatut siunnersuutikkut Danmarkimi kalaallit ilinniarusuttut atugassaannik kollegie-nik sanaartornissaq siunertaralugu Naalakkersuisut Danmarkimi kollegianik sanaartornissamat iliuusissatut pilersaarummik suliaqaqqullugit peqquneqarput.

Siunnersuutip Inatsisartuni siullermeerneqarnera

Siunnersuutip Inatsisartuni oqaluuserineqarneranni siamasissumik tapersersuisoqarpoq, partiilu ataasiinnaq toqqaannartumik akerliuvoq.

Tapersersuineranut tunngavilersuutit ilagaat, ilinniartut Danmarkimut angalanermut atatillugu allanik naammattumik suliassaqarnerat, taamaattumillu sumi najugaqarnissartik pillugu pilersaaruseriorfissaaleqisartut, aammattaaq tunngavilersuutigineqarpoq ilinniarneq siunissamat aningaasaliinerusoq. Kiisalu tunngavilersuutigineqarpoq ilinniartunngortussat ilaquuttatik

peqatigalugit ungasissumi inuunissamut piareersaasiortussaasut, tamatumunngalu atatillugu Aalborgimi, Aarhusimi Odensemilu Kalaallit illui ininik iserteqqaarfiusartunik neqeroortarnerat pitsaasumik milittagaqarfigineqartoq.

Apeqqutit

Siunnersuutip Ataatsimiititaliamit suliarineqarneranut atatillugu apeqqutit arlallit Ilinniartitaanermut, Ilageeqarnermut, Kultureqarnermut Naligiissitaanermullu Naalakkersuisumut Ataatsimiititaliap akeqqusimavai. Ataatsimiititaliap apeqqutaasa aamma Naalakkersuisunut ilaasortap akissutaata nuutinneri isumaliutissiisummut uunga ilanngussatut tapiliunneqarput.

Ataatsimiititaliap siunnersuummik suliaqarnera

Københavni illoqarfinnilu ilinniagaqarfiusartuni allani Kalaallit Illuutaannik peqarfiusuni kollegianut ineqarnermullu pissutsinut apeqqutit Ataatsimiititaliap isummorsorfigalugillu paasiniarsimavai.

Odensemi, Aarhusimi aamma Aalborgimi Kalaallit illuini pingasuusuni kollegiat iserteqqaarfissat neqeroorutigineqartareersut iluatsilluarsimasut Ataatsimiititaliap nalilerpaa. Ilinniartut inuunermut nutaamut pitsaanerpaamik allartiffeqarsinnaanerannut kollegiat iserteqqaarfiusartut pissutaaqataasarput, tamannalu pisariaqartinneqaraangat tapersorsorneqarsinnaaneq ilitersorneqarsinnaanerlu isumannaarneqartarlutik.

Tamanna tunngavigalugu apeqqut eqikkarneqarpoq, taamaalilluni init iserteqqaarfigineqartussat amerlinissaat Københavni taamaallaat pisariaqassalluni. Illoqarfinni annerusuni ilinniagaqarfiusuni pingasuni maanna pisariaqartitsinerit illoqarfinni pineqartuni Kalaallit Illuinit isumagineqartarput.

2014-imut Aningaasanut Inatsimmi Københavni Østerbrokollegiami inissianut iserteqqaarfiusussanut 1,25 mio. kr.-t aningaasaliissutaareerput. Ataatsimiititaliamut ilisimatitsinikkut takuneqarsinnaavoq, ulloq 1. august kollegiami init qulit piariissasut, aningaasatigullu killiliussat iluanni 2015-imi julimiit init amerlanerusut piareernissaat naatsorsuutigineqartoq.

Ataatsimiititaliap isumaqarpoq, ilinniartut kollegiarmioqatimittut kollegiami ininut assigiimmik ineqarnermut akiliuteqartartut, kiisalu Aningaasanut Inatsisikkut ininut iserteqqaarfiusartunut aningaasat immikkoortinneqartut taamaalillutik aqutsinermut, init atorneqanngikkallarnerannut il.il. matussutaassasut, ininillu attartornermi akiliutinut atorneqassanngitsut. Tamanna Ataatsimiititaliap ajunngitsutut isumaqarfigaa, taamaalillutik ilinniartuutivut nammineerlutik inimik attartornermut akiliut aqqutigalugu nammineq

inigisaminni aserfallatsaaliinissamut ingerlatsinermullu akiliuteqaqataasartut. Tunngaviusoq tamanna Danmarkimi ilinniagaqarnerisutit naatsorsorneranni aamma tunngaviusarpoq.

Ataatsimiititaliaq ataatsimut isigalugu isumaqarpoq init iserteqqaarfiusartut pillugit ataqatigiissakkamik aaqqissuussineq ingerlalluartuusoq.

Tamanna tunngavigalugu Ataatsimiititaliaq isumaqarpoq, kollegianut aningaasat iliuusissatullu pilersaarutit tunngavigalugit illoqarfinni ilinniagaqarfiusuni kollegiani ininut amerlanerusunut atorluarneqarnerusinnaasut.

Siunnersuutip aningaasatigut kingunissai

Inatsisartut suleriaasianni § 33, imm. 1-imi allassimavoq, siunnersuut tunngavilersugaassasoq siunnersuutillu aningaasatigut allaffissornikkullu kingunerisassai allaaserineqarsimassasut.

Ataatsimiititaliap paasivaa, tamanna naapertorlugu siunnersuutip piviusunngortinnerani aningaasatigut kingunissai allaaserineqarsimasut, taamaalillunilu suleqataasumit AC-fuldmægtigimit ataatsimit pineqartumi iliuusissatut pilersaarussiaq ukiup affaani suliarineqarsinnaassasoq.

Ataatsimiititaliaq isumaqatigiittoq siunnersuut pillugu ima oqaaseqassaaq:

- Init iserteqqaarfiusartut pillugit suliniutit aallartinneqareersut, taamatullu ataqatigiissakkamik aaqqissuussineq tamanna annertusarneqartoq,
- Nunatsinni kollegiani ininik pisariaqartitsineq suli annertusiartortoq,
- Kollegianik sanaartornissami pingaarnersiusoqassatillugu Kalaallit Nunaanni kollegianik pisariaqartitsiffiunerpaani annertunerusumik aningaasalersuinissamut aningaasat sunniuteqarluarnerpaassasut.

Taamaattumik tamanna tunuliaqutaralugu siunnersuut Inatsisartunit itigartinneqassasoq

Ataatsimiititaliaq isumaqatigiittoq inassuteqarpoq.

Taamatut oqaaseqarluni isumaliutissiisummilu allassimasutut paasinnilluni Ataatsimiititaliap siunnersuut aappassaaniigassanngortippaa.

Karl-Kristian Kruse,

Karl-Kristian Knize
Siulittaasoq

Anders Olsen
Anders Olsen

Nikolaj Jeremiassen
Nikolaj Jeremiassen

Kalistat Lund
Kalistat Lund

Aqqaluaq B. Egede
Aqqaluaq B. Egede



Ilinniartitaanermut Naalakkersuisoq

Ulloq: 15. maj 2014

J.nr.: 01.37.01.03-00084

UPA 2014/30 – Danmarkimi ilinniartunut inissiat pillugit apeqqutit

Oqaluuserisassaq siuliani allassimasoq Sanaartormut Ataatsimiititaliamit tiguneqarpoq.

Kalaallit ilinniagaqartut Danmarkimi ilinniarnermi pitsaanerpaamik atugassaqtinneqarnissaat siunertaralugu suniutit suut maanna ingerlanneqarnersut paasissutissiissutigineqarnissaat apeqqummik taassuminnga suliarinninnerminut atatillugu Sanaartormut Ataatsimiititaliap kissaatigaa.

Kiisalu suliniutit suut aallartinneqareersimanersut suliniutillu ilinniartunngorumaartunut qanoq ingerlateqqinneqartarni paasissutissiissutigineqassasoq Sanaartormut Ataatsimiititaliamit kissaatigineqarpoq.

Inussiarnersumik inuulluaqqusillunga


Karl-Kristian Kruse

Ataatsimiititaliap siulittaasua



Sanaartornermut ataatsimiititaliaq, Inatsisartut
/ maani

Ataatsimiititaliap 15. maj 2014 allagaanut akissut

Ataatsimiititaliap qutsaviginarpara itisilerutaasumik apeqqutininut nassiussaanut, UPA
2014/30 Danmarkimi ilinniagaqartunut inissialiortitsernermut tunngasumut.

Ataatsimiititaliap paasiniarpaa suliniutit qanoq ittut ingerlanneqarnermut, kalaallit ilinnia-
gaqartut Danmarkimi ilinniarnermi pitsaanerpaanik atugassaqartinniarlugit.

Aallaqqaasiullugu oqaatigineqassaaq Københavnimi Kalaallit Illuat Naalakkersuisut a-
kissuteqaataanni pineqartutut ilinniartunut kalaallinut inissianik kollegianik qulinik attar-
tornissamut isumaqatigiissuteqaqqammermat. Attartornissamut isumaqatigiissut Kø-
benhavnimi Østerbrokollegianut isumaqatigiissutigineqarpoq. Suliniut konto pingarneq
40.90.02 Kalaallit Illuutaannut tapiissutiit aqutugalugit aningaasalersorneqarpoq, taanna
2014-imi 1,25 mio. kr.-inik qaffanneqarnikuuvoq, siunertamut tamatumunnga atorneqar-
tussanik.

Sermitsiaq.AG-ip quppersakkamini 14. maj nutaarsiassaq nalunaarutigaa. Allaaserisag
uani atuarneqarsinnaavoq: [http://sermitsiaq.ag/ki/kalaallit-koebenhavnimi-
ilinniaqagartut-kollegiarsinnaalersut](http://sermitsiaq.ag/ki/kalaallit-koebenhavnimi-ilinniaqagartut-kollegiarsinnaalersut)

Oqaatigineqarsinnaavoq Naalakkersuisut aamma Københavnimi Kalaallit Illuutaata
naatsorsuutigimmagu suli annertunerusumik attartornissaq periarfissaalissasoq juli
2015-imiit, maanna aningaasaliissutaasut iluanni.

Suliniut taanna aqutugalugu Danmarkimi Kalaallit Illuutaat sisamat tamarmik kollegianik
iserteqqaarfissanik neqerooruteqarsinnaalerput, ilinniagaqartuutitsinnut Danmarkimut
ilinniariartortunut.

Tamatuma saniatigut siunnersuisarneq assut pingartinneqarpoq, ilinniariarluni nunami
allamiinnermi iluatsittumik ingerlatsisinnaanermut aalajangiisuulluinnartarmat periarfissat
qanoq ittuunerinik ilisimasaaqarluartarneq. Tamatumunnga atatillugu ukiumoortumik sul-
niutaasartut tassaapput ilinniartunut siunnersortit ataatsimeersuartinneqartarnerat,
aamma "ilinniartitaanermi ingerlaaqatigiit" - "uddannelseskaravanen", nunatsinni nuna
tamakkerlugu ilinniartit kiisalu Kalaallit Illuutaanni siunnersortit novembarimi illoqarfinnut
ilinniarnertuunngorniarfeqartunut tikeraartarnerat, ilinniartitaanernullu tunngasunik paa-
sissutissiillunilu ilinniagaqartutut inuuneq pillugu paasissutissiiffiusartaq.

Ukiuni kingullerni aamma AVALAK, kalaallit Danmark-imi nunanilu allani ilinniagaqartut
peqatigiiffiat siunnersuinerup tungaatigut annertuumik suliniuteqartarpoq
(www.avalak.org), misilittakkanik paarlaasseqatigiittarnertigut ataatsimullu ilinniagaqar-

21. maj 2014
Sagsnr. 2014-099426
Dok. Nr. 1584168

Postboks 1029
3900 Nuuk
Tlf: +299 34 50 00
Fax: +299 32 20 73
Email: liknn@nanog.gl
www.nanog.gl

tunut aaqqissusseqatigiinnertigut. Suliniutit pitsammik ilassutaasarpud ilinniartunik siunnersuinermit Kalaallit Illuutaanniit ingerlanneqartartunut.

Illuutit qupperneri ilinniartunngorumaartunut paasissutissanik itisilerutaasunik imaqarput, ilinniagaqarnermi atugaalerumaartunut tunngasunik. Quppernerit taakkua aamma ineqarnermut tunngasunik ingerlaqqiffiusinnaasunillu links-inik illuutileqatigiiffinnut kollegiallu allaffiit tunngasunik imaqartarput.

Suliniutit nutaat pillugit attaveqartarnerit tusagassiutit, illuutit qupperneri aamma Sunngu aqutugalugit ingerlanneqartarput, kiisalu mails-it atorlugit Piareersarfinni Gymnasianilu siunnersortinut ingerlatinneqartarlutik.

Illut qupperneri aamma Sunngu ukunuuna pularneqarsinnaapput:

København-imi Kalaallit Illuutaat	www.sumut.dk
Odense-mi Kalaallit Illuat	www.dqh-odense.dk
Aalborg-imi Kalaallit Illuat	www.dqh-aalborg.dk
Aarhus-imi Kalaallit Illuat	www.groenlandskehus.dk
Sunngu	www.sunngu.dk

Neriutigaara ugguuna akissutikkut ataatsimiititaliaq UPA 2014/30-imut atatillugu isumaliutissiissusiornissaanut ikiorsimassallugu, kisianni soorunami sulit itisilereqqissinnaavunga, ataatsimiititaliaq pisariaqartitsissappat.

Inussiarnersumik inuulluaqqusillunga



Nick Nielsen